

**Aalisarnermut, Piniarnermut Nunalerinermullu Naalakkersuisoq**  
**Medlem af Naalakkersuisut for Fiskeri, Fangst & Landbrug**  
**Minister of Fisheries, Hunting & Agriculture**



Inatsisartunut ilaasortaq Aleqa Hammond, Siumut  
 MAANI

## **Qassutaarsiutininut salinermut atatillugu aningaasaliinerit pilersaarutinullu tunngatillugu apeqqut nr. 107-imut akissut**

Inatsisartut suleriaasianni § 36, imm. 1 naapertorlugu Ummannap kangerluani qassutaarsiutinik salinermut atatillugu apeqquteqaateqarputit. Apeqqut Naalakkersuisoqarfimmit akineqartussanngortinneqarsimavoq

Apeqqut:

*Aalisartut kangerlunni qassutaarsiutinik saliniarlutik aallartikkusupput, kisianni aningaasaliiffiqineqarnikuunnginnamik aallartissinnaanngillat, kiisalu saliginissamut ilitsersuutit aamma pilersaarutit amigaatigineqarmata qanoq saliginissaq ingerlanneqassanersoq. Aalisarnermut Naalakkersuisumit akissuteqarfigineqarnissaq aalisartut piumasimagaluarpaat tamannali iluatsissimannngilaq. Tassunga atatillugu apererusuppunga saliginissamut aningaasaliissutit qaqugu piareerneqassanersut?*

Kiisalu

*Saliginissamut pilersaarutit qaqugu piariissappat?*

Qaasuitsup Kommunia aammalu Aalisarnermut, Piniarnermut Nunalerinermullu Naalakkersuisumit isumaqatigiissutigineqarpoq qassutaarsiutinik allanillu aalisarnermut atortunik saliginissaq aallartinneqassasoq kommunimi aalisakkanik nioqqutissiortut tamarmik peqataaffigisaannik. Isumaqatigiinneq piviusunngorpoq Inuutissarsiorneq pillugu Qaasuitsup Kommuniata Ilulissani isumasioqatigiis-sitsineranut atatillugu.

Saliisoqarnissaanik isumaqatigiinnissaq piumasqaataasimavoq qaleralinnik Ummannami Upernavimmilu immikkut pisasseqqittoqarsinnaaneramik – Ummannami Upernavimmilu aqutsiveqarfiini tamarmik 500 tonsinik.

Isumaqatigiissutip iluaniippoq iluarsartuullugu pilersaarusiarnut tamarmiusumut Qaasuitsup Kommunia ataqatigiissaarisuussasoq. Qassutaarsiutinik saliginissamut pilersaarutit aamma Qaasuitsup Kommuniarnit piareersarneqarput sumiiffinni aalisartut suleqatigalugit. Kommunit ataasiakkaat pisussaaffigereerpaat qassutaarsiutit qaqinneqarnissaat. Namminersorlutik Oqartussat suliamut imatut akuuvoq pilersaarusiarnut malinnaaffigalugu toqqaannartumik suleqataaffiginnikkaluarlugu, kiisalu pisariaqarfiatigut attaveqaatinik innersuussisarnikkut.

J.nr. 01.28.09  
 23. oktober 2009  
 Postboks 269  
 3900 Nuuk  
 Oq/tel +299 34 50 00  
 Fax +299 32 47 04  
 apnn@gh.gl  
 www.nanoq.gl

Tunisassiortut ilaanniit aningaasaleeqataasinnaanertik neqeroorutigisimavaat kiisalu angallammik peqataatitaqarnikkut, orsussamut aningaasartuutit akiliiffiginera ilanngullugu.

Iluarsartuullugu pilersaarutip ingerlannerata kinguneri tusagassiorfitsigut takkus-suuttalerput Qaasisup Kommunianullu inassutigissavara piffissami kingusinnerusukkut ataatsimoortumik nalunaarusioqqullugu. Maannakkumuugallartumik angusat ilimanarsisippaat, ukiorpassuarni salinissamut annertuumik pisariaqartitsisoqarsimasoq. Suliassaq iluarsartuullugu ulloq manna tikillugu sulii naammassineqanngilaq.

Naggataatigut erseqqissatigissavara ukiut tamaasa qassutaarsiutinik salisoqartar-nissaa piumasarisimagakku.

Inussiarnersumik inuulluaqqusillunga

Ane Hansen

Aalisarnermut, Piniarnermut Nunalerinermullu Naalakkersuisoq